

申明吏役不許用頭頭錢

弘治元年七月初六日刑部尚書何 等題  
為籌邊翊治以修內攘外事該吏科給事中  
林廷玉題為古昔聖帝明王制治保邦其所  
於修於內者周以密而攘於外者嚴以備內  
修外攘久安長治之策無出此矣

陛下嗣統以來振肅紀綱修本廢墜簡任將師賞賚士卒  
固嘗注意於內修外攘也然而賞罰未明軍  
威未振紀律未嚴暴掠未禁首虜未遁邊人  
未蘇宿弊未盡剗劇吏治未盡清徹師儒未  
盡得人風化未盡培植遺才未盡錄用元惡  
未盡鉅飢合是數者未盡善美臣恐

陛下雖汲於內修外攘而所以修之攘之或不能周且弊

矣夫內修外攘一或未至欲救至安殆不可得謹條十事伏望

陛下留神省覽少加裁納奉

聖旨這本所言該衙門看了來說欵此除明賞罪以振軍

旅等事係戶兵等部掌行外內

一件革宿弊以清吏治臣推善療醫者法人之宿病善圖治者革時之宿弊宿弊不革賄賂公行獻吏治之清不可得矣臣聞在京各衙門參補都吏當該之特新參者出銀與以得代名日頂頭錢少則一二十多或五六十兩甚至七八十兩者亦或有之孤寒小吏裹無所有往往嚴立契券倍數稱貸反至參克未久索取已急不急百計千方欺公市法覓

取賞還雖為民克軍役亦奚恤往年武選司吏盜賣

勅書正坐此

耳其各該官員有口雖禁約而心實姑息者有佯為不知聽彼取與者亦有明知故縱反為催逼者遂致紀綱廢墜政體乖違苞苴盛行肆無忌憚職者病馬臣愚以為此弊最難革各該官員若肯斬釘截鐵斷自一特令一革之則以後永無矣何也蓋彼未嘗出錢與彼此自然之理勢也但今之謾証者曰彼曾出錢與人一旦革之豈不為虧孰不知彼雖出錢與人數年之間其所得已裁倍矣革之亦不為虧孰使虧之則此乃

朝廷紀綱大體所係何惜虧一小吏而不為紀綱大體哉



夫京師者天下之本京吏衙門積弊尚爾則天下可知

陛下教正天下先正京師乞

勅在京各衙門官員今後務要痛革此弊毋令仍陷前非復造後患敢有不悛與者各問爲民該管官員連坐以罪其臺上官員今後參吏典務要取其各該親管官員不致扶同連名結狀立案存照倘後事發有所查考仍乞密令校尉嚴加紡緝若有此等之弊即便拿發官吏究治如前銀兩追併克賞夫貧窮吝惜人之常情新參吏典雖肯樂然出錢但但前人既行逼迫無奈今若如此痛革非惟紀綱正而吏治清雖新參吏典亦不勝其折節矣

前件查得成化十四年該辦事吏吳鵬奏稱近年以來有等無籍之徒遇該兩考役滿指以清卷爲由潛往公廨營謀聽缺農民或考退生員頂補希求賄賂要銀一百五十兩名曰頂頭房錢設有貧難無錢者逼迫無奈將產業變賣或揭借錢財贖救出與頂頭以致遍相倣倣習以爲常此等之徒着役之後甚至壞法害民之甚以償私債迫有堪充無碍之人不無惧法不服出銀與彼者反被裡造過名赴堂執寧官多不知情以致就行黜退若此之類者甚不可枚舉如蒙乞行內外大小衙門禁約今後如遇

吏與役滿即將見行文卷交與同房司  
典當日交起送出司如再托故延住取  
討頂頭房錢者通將受財者并出錢過  
付之人各論以枉法贓罪永為遵守本  
部已經議擬題

准通行禁革去後今給事中林廷玉又題前因合無准其  
所言通行內外大小衙門如遇叅充吏  
典該管官員務要嚴加禁約隨令新叅  
吏典叅充着役不許舊役吏典賣緣交  
通索取頂頭錢銀敢有不悛仍蹈前非  
事發與者受者并過付之人俱依律究  
治其該管官員知而故縱一體坐罪在  
內錦衣衛巡捕官校嚴加緝緝在外聽

分巡御史糾察如此則宿弊革而吏治清矣  
具題奉

聖旨准擬欽此